




1608_308r.jpg




1608_249v.jpg




1608_308v.jpg



1608_309r.jpg



1608_309v.jpg



*Des pasquils
& liures im-
primez sans
nom d'Au-
teurs.*


Le Mercure François, ou,
1608. ans il court, ou quelque pasquil, ou quelque es-
prit fait vn liure pour faire escrire les autres.
Je me trouuay vn iour de ceste annee en la
chambre d'un Grand où le Traducteur de la
Colere luy apporta vn Pasquil, dans lequel le
Grand estoit nommé, & le Traducteur aussi:
mais voulant persuader le Grand d'en faire re-
cherche, il eut pour responce, *Mon amy, s'il ne
m'y auoient pas mis ie m'en fescherois.*

Vn Gascon fut si temeraire de faire im-
primer sur les bords de la Garonne vn petit liure
intitulé la Iustice aux pieds du Roy, sa plume
trop mal taillée contre l'honneur de son Sou-
uerain, meritoit d'estre rongnee: Il ne demeura
pas aussi sans responce, les boutiques des Li-
braires furent incontinent remplies d'un liure
intitulé, l'Iniustice terrassée, auquel la Iustice
en son throsne respondit; & ainsi ces escriuains-
là se donnerent carrière sur ce subiect de la Iu-
stice, comme les autres l'an passé s'estoient es-
carmouchez sur la tenuë d'un Concile.


*Mort du Pe-
re Ange de
Ioyeuse,*

Le 27. de Septembre mourut à Riouli en
Piedmont le Pere Ange de Ioyeuse, allant de
Paris à Rome. Il passa les Alpes à pied & nuds
pieds: en retournant estant arriué à Turin vne
fièvre l'ayant surpris, il se fit porter à Riouli
dans vn brancard: Le Duc de Sauoye aduertty
de sa maladie luy enuoya son premier Mede-
cin, & son Apoticaire: mais la fièvre fut si vio-
lente que dans le dixiesme iour il rendit son
ame à Dieu. Depuis son corps fut rapporté en
France aux Capucins de Paris. Plusieurs ont
faict de beaux discours, sur ce qu'un tel person-


1608_250r.jpg




1608_250v.jpg




1608_251r.jpg



1608_310r.jpg



1608_251v.jpg



1603. *Le Mercure François, ou,*
 Passurance que nous auons de vostre zele &
 affection au bien public nous ne vous en di-
 rons dauantage: priant Dieu, & c.

*Les Deputez
 d'Espagne
 & des Ar-
 chiducs se
 retirent de
 la Conse-
 rence.
 Et les Am-
 bassadeurs.
 Pasquils &
 libelles dis-
 fendus par
 les Estats.*

Sur ce que les Deputez du Roy d'Espagne
 & des Archiducs s'estoient retirez de la Haye,
 on pensoit que tout moyen d'accorder ces
 deux grands ennemis fust rompu: Aucuns des
 Ambassadeurs des Roys & Princes s'en retour-
 nerent; & les autres se preparerent pour se re-
 tirer. Les Pasquils, les libelles & escrits diffa-
 matoires troterent plus qu'auparauant: ce que
 les Estats firent estroittement deffendre. La
 trefue auoit esté continuee iusques à la fin de
 l'annee: les Estats la vouloient rompre; mais
 comme il est escrit dans leurs propres relations,
 ils obtempererent au commandement du Roy
 Tres-Chrestien qui desiroit sur tout de trou-
 uer vne fin à ces guerres, où tant de sang Chre-
 stien auoit esté respandu.

*Grandes
 chaleurs.*

*D. Pedro de
 Toleda Am-
 bassadeur
 d'Espagne
 en France.*

Le President Ianin s'achemina en France au
 mesme temps sur le mandement qu'il en eut du
 Roy. Sa M. pour n'endurer les chaleurs de cest
 Esté qui furent aussi extremes que les froidures
 auoient esté grandes l'Hyuer passé, estoit venu
 de Fontainebleau à Paris. Or comme nous
 auons dit cy dessus, D. Pedro de Toleda auoit
 esté enuoyé par le Roy d'Espagne vers sadite
 Maiesté & estoit arriué tres-bien accompa-
 gné, au mois de Iuillet à Fontainebleau: mais
 trois iours apres son arriuee, estant venu à Paris,
 il fut logé à l'hostel de Gondy.

Les Roys qui mandent des Ambassadeurs
 regardent tousiours qu'ils puissent estre agreez

Image issue du site mercurefrancois.ehess.fr - Cliché (c) Cécile Soudan